



REPUBLIKA E SHQIPËRISË

BASHKIA TIRANË

PROCESVERBAL – Tipi i kontratës - Shërbim

PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: “Furnizime dhe shërbime me ushqim për menca” për nevoja të Qendrës Komunitare ”Strehëza”.

KODI PËRKATËS NË FJALORIN E PËRBASHKËT TË PROKURIMIT (CPV): Ushqime të përgatitura - 15894200-3

VLERA E FONDIT LIMIT: 4,708,500 (katër milionë e shtatëqind e tetë mijë e pesëqind) lekë pa tvsh, vënë në dispozicion me anë të VKB-së nr.125, datë 22.12.2023 ‘Për miratimin e programit buxhetor afatmesëm 2024-2026 dhe detajimin e buxhetit të Bashkisë Tiranë për vitin 2024’ (i ndryshuar).

Në bazë të nenit 21, pika 2, të Ligjit nr.162/2020 “Për prokurimin publik” (i ndryshuar), nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” (i ndryshuar), autoriteti kontraktor Bashkia Tiranë në cilësinë e organit të deleguar ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

a. Formularin Përmbledhës të Vetëdeklarimit, sipas shtojcës 10;

b. Sigurimin e Ofertës, sipas Shtojcës 3;

Argumentimi: Kriteret e mësipërme janë vendosur në përputhje me Nenin 82 “Formulari përmbledhës i vetëdeklarimit” dhe Neni 83 “Sigurimi i ofertës”, të Ligjit Nr.162/2020 “Për Prokurimin Publik” (i ndryshuar) si dhe në mbeshtetje të nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik” (i ndryshuar) në nenin 83 të LPP citohet si vijon: “Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”, gjithashtu në nenin 83 të LPP citohet si vijon: “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të



lëshuara nga autoritetet publike ose palë të treta, formularin përmbledhës të vetdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik”.

2.1 Kapacitetin profesional të operatorëve ekonomikë:

2.1.1 Referuar pikës 1 të shtojcës 9, ofertuesi duhet të deklarojë se përmbush kriteret e përgjithshme të pranimit/kualifikimit. Këto kritere duhet të plotësohen me dorëzimin e vetëdeklaratës me shkrim të subjektit, në ditën e hapjes së ofertës, sipas Shtojcës 10.

Argumentimi: *Kërkesa e mësipërme bazohet në nenin 77, pika 1/a dhe 2, të LPP, nenit 40, pika 5, të VKM nr. 285, datë 19.05.2021 "Për miratimin e rregullave të prokurimit publik" (i ndryshuar), si dhe shtojcës 8 të DST-së.*

2.2 Kapaciteti ekonomik dhe financiar:

2.2.1 Kopje të certifikuara të bilanceve të dy viteve të fundit 2022, 2023, të konfirmuara me vulë pranë administratës tatimore. Operatorët Ekonomikë të cilët plotësojnë 2 nga 3 kërkesat e gërmës "c" te nenit 41 të Ligjit Nr.10091 datë 05.03.2009 "Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar" të ndryshuar; krahas bilanceve të paraqesin dhe raportet e audituesit të pavarur (Akt Ekspertizën e Ekspertit Kontabël të Autorizuar) për bilancet e këtyre viteve të konfirmuara nga administrata tatimore.

Argumentimi: *Kërkesa e mësipërme është përcaktuar bazuar në nenin 77, pika 3, e LPP, si dhe nenit 43, pika 4, të VKM nr. 285, datë 19.05.2021 "Për miratimin e rregullave të prokurimit publik".*

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, është bërë bazuar në nenin 29, pika 1 të Ligjit nr. 8438, datë 28.12.1998 "Për tatimin mbi të ardhurat" i ndryshuar si dhe kërkesave të Ligjit nr. 25/2018 "Për kontabilitetin dhe pasqyrat financiare".

*Akt Ekspertiza e Ekspertit Kontabël të Autorizuar, duhet të paraqitet nga O.E vetëm në rastin kur janë në kushtet e përcaktimeve të nenit 41, gërma "c" të Ligjit nr. 10091, datë 05.03.2009 "Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar", i ndryshuar, ku parashikohet se: "Personat juridikë që detyrohen për auditimin ligjor të pasqyrave financiare detyrohen të kryejnë auditimin ligjor të pasqyrave financiare vjetore, përpara publikimit të tyre, nga ekspertë kontabël ose shoqëri audituese: "c) shoqëritë me përgjegjësi të kufizuar, të cilat zbatojnë për raportimin financiar standardet kombëtare të kontabilitetit, kur, në mbyllje të periudhës kontabël, **për dy vite radhazi, tejkalojnë dy prej tre treguesve të mëposhtëm:** i) totali i aktiveve të bilancit, në mbyllje të periudhës kontabël përkatëse, arrin ose e kalon shumën prej 50 milionë lekësh; ii) shuma e të ardhurave nga veprimtaria ekonomike (qarkullimi) në atë periudhë kontabël arrin ose e kalon shumën prej 100 milionë lekësh; iii) ka, mesatarisht, 30 të punësuar gjatë periudhës kontabël".*

2.2.2 Për të provuar se operatorët ekonomikë kanë kapacitetin e nevojshëm ekonomik dhe financiar për të zbatuar kontratën, duhet të paraqesin vërtetim të xhiros vjetore të realizuar nga operatori ekonomik për vitet financiare (2022, 2023) ku vlera e xhiros për të paktën një nga vitet e periudhës së kërkuar duhet të jetë në një vlerë jo më të vogël se **30% të vlerës së fondit limit** që prokurohet nga



autoriteti përkatës. Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

Argumentimi: *Kjo vlerë për xhiron vjetore është kërkuar pasi vlera e parashikuar e kontratës, është ndërmjet kufirit të lartë dhe të ulët monetar. Kërkesa e mësipërme është përcaktuar bazuar në nenin 77, pika 3, të LPP, si dhe nenin 43, pika 2/c, të VKM nr. 285, datë 19.05.2021 "Për miratimin e rregullave të prokurimit publik" i ndryshuar, si dhe në legjislacionin e fushës në fuqi, përkatësisht në Ligjin nr. 8438, datë 28.12.1998 "Për tatimin mbi të ardhurat", i ndryshuar, VKM nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike", si dhe në Udhëzimin e Ministrit të Financave nr.5, datë 30.01.2006, "Për tatimin mbi të ardhurat", i ndryshuar.*

"Vlera e xhiros minimale vjetore që u kërkohet operatorëve ekonomikë nuk mund të tejkalojë: ... 40% të vlerës së fondit limit që prokurohet, në procedurat e prokurimit nën kufirin e ulët monetar;". Kjo procedurë është nën kufirin e ulët monetar dhe për këtë arsye, vlera e xhiros minimale të kërkuar, është brenda kufirit të parashikuar në dispozitat ligjore të sipërcituara.

2.2.3 Operatori ekonomik duhet të paraqesë vërtetim nga organet e pushtet vendor për shlyerjen e taksave vendore (për NIPT-in kryesor dhe për NIPT-et sekondare), ku të përfshihet kësti për periudhën përkatëse të maturuar sipas Ligjit Nr.9632 datë 30.10.2006 "Për sistemin e taksave vendore" (i ndryshuar); në të gjitha vendet ku ushtron aktivitetin sipas Rregjistrimit në Qendrën Kombëtare të Biznesit. Në rast bashkimi të Operatorëve Ekonomikë, cdo anëtar i grupit duhet të dorëzojë vërtetimin lëshuar nga Bashkia ose Komuna në të cilën është regjistruar sipas QKB-së.

****Kriteri 2.2.3 konsiderohet i përmbushur me vetëdeklarimin sipas Formularit Përmbledhës të Vetëdeklarimit, sipas Shtojcës Nr.9 "Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar i pari dorëzimin e dokumentave provuese. Këto dokumenta duhet të paraqiten në origjinal ose në kopje të njehsuara me origjinalin".*

Argumentimi: *Kërkesa e mësipërme është përcaktuar në nenin 77, pika 3, e LPP, nenin 43, pika 6, të VKM nr. 285, datë 19.05.2021 "Për miratimin e rregullave të prokurimit publik" (i ndryshuar), si dhe ligjin nr.9920 date 19.05.2008 "Për procedurat tatimore" i ndryshuar, neni 4, pika 2, gërma d) dhe në ligjin nr.9632, datë 30.10.2006 "Për Sistemin e Taksave Vendore" i ndryshuar.*

Ky kriter shërben për të garantuar AK se operatorët ekonomikë pjesëmarrës në këtë procedurë prokurimi, kanë kapacitetet e duhura ekonomike dhe financiare si dhe janë të përshtatshëm për të kryer veprimtari profesionale. Referuar sa më sipër, Autoriteti Kontraktor gjykon se kriteri i vendosur lidhur me dorëzimin nga ana e operatorëve ekonomikë të deklaratës për shlyerjen e detyrimeve vendore sipas kësteve pranë bashkisë/ve ku operatori ekonomik ushtron aktivitetin e tij është në përputhje me kuadrin ligjor në fuqi e konkretisht me ligjin nr.9632, datë 30.10.2006 për "Sistemin e Taksave Vendore" i ndryshuar. Të gjithë subjektet që ushtrojnë veprimtari biznesi kanë detyrimin ligjor të regjistrimit pranë Qendrës Kombëtare të Biznesit për të bërë të identifikueshëm vendodhjen e aktivitetit të tyre dhe për t'iu nënshtruar pagesës së taksave vendore të parashikuara shprehimisht në këtë ligj.



2.3 Kapaciteti teknik:

231 Operatori ekonomik duhet të paraqesë dëshmi për shërbimet e mëparshme, të ngjashme me objektin e prokurimit, të kryera gjatë tri viteve të fundit nga data e shpalljes të njoftimit të kontratës, me një vlerë jo më të vogël se **20% e vlerës së përlllogaritur** të kontratës që prokurohet.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të shërbimeve të furnizuara,

b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të shërbimeve të furnizuara.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” i ndryshuar, nenit 40/4, dhe nenit 55 pika 4 gërma (b) të VKM nr. 285, datë 19.05.2021 “Për miratimin e Rregullave të Prokurimit Publik”, i ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin 55, si me sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Përcaktimi i vlerës së kërkuar për kontratat e ngjashme është vendosur brenda kufirit të vlerës të përcaktuar në rregullat e prokurimit publik dhe i shërben AK për të treguar se ofertuesit me kapacitetet e tyre kanë realizuar kontrata të ngjashme me objektin që prokurohet, në vlerë jo më të vogël se 20 % të fondit limit, në afat, me cilësi dhe rrit besueshmërinë mbi përvojën që ka ofertuesi në treg. Përvoja e ngjashme konsiderohet si kriter thelbësor dhe si rrjedhim operatorët ekonomikë duhet të paraqesin dëshmi të tilla si referenca/fatura tatimore, për të provuar kryerjen e tyre qoftë me sektorin privat dhe atë publik.

2.3.2 Operatori ekonomik pjesëmarrës duhet të paraqesë

- Çertifikatë ISO 9001-2015 ose ekuivalente/të barazvlefshme – Standart për “Sistemin e menaxhimit të Cilësisë” (e vlefshme dhe e lëshuar nga një organ i vlerësimit të konformitetit, i akredituar nga organizmi kombëtar i akreditimit ose nga Organizma Ndërkombëtarë Akreditues, të njohur nga Republika e Shqipërisë).
- Çertifikatë ISO 22000:2018 ekuivalente/të barazvlefshme, çertifikatë e sistemit të Menaxhimit të sigurisë Ushqimore (e vlefshme dhe e lëshuar nga një organ i vlerësimit të konformitetit, i akredituar nga organizmi kombëtar i akreditimit ose nga Organizma Ndërkombëtarë Akreditues, të njohur nga Republika e Shqipërisë).



(Në rastet e bashkimit të operatorëve ekonomik, çdo anëtar i grupit duhet të paraqesë Çertifikatën ISO).

Argumentimi: Ky kriter u vendos në përputhje me parashikimin e nenit 77, të Ligjit Nr. 162, datë 23.12.2020 “Për prokurimin publik” (i ndryshuar), ku citohet se: “Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standarti të përshtatshëm cilësie”, si në mbështetje të nenit 44, pika 1 të VKM-se Nr. 285, datë 19.05.2021 “Për miratimin e Rregullave të Prokurimit Publik” (i ndryshuar), konkretisht: “Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit”.

Standarti ISO 9001 parashikon një tërësi rregullash që garantojnë një bazë rreziku parandalues ndaj cilësisë e cila mbulon një gamë të gjerë të çështjeve ku përfshihen: angazhimi i lartë i menaxhimit për cilësi nga furnizuesi, fokusin e klientit, përshtatshmërinë e burimeve të tij, kompetencën/profesionalizmin e punonjësve, procesin e menaxhimit (për prodhim, ofrimin të shërbimeve dhe proceset mbështetëse e administrative), planifikimin e cilësisë, dizenjimi i produkteve dhe shërbimet që ofron, garantimin e një procesi cilësor të furnizimit, sigurimin e konformitetit për mallrat dhe shërbimet, proceset e tij për të zgjidhur ankesat e konsumatorëve, veprime korrigjuese, dhe një kërkesë për të nxitur përmirësimin. Kjo kërkesë, dëshmon se mbajtësi i saj garanton standardet ndërkombëtare të menaxhimit të cilësisë së ushtrimit të aktivitetit tregtar të tij.

Nisur nga rëndësia, volumi i kontratës, rëndësia e Autoritetit kontraktor të përfshirë në këtë procedurë është e rëndësishme me qëllim realizimin me sukses të kësaj procedurë që, operatori pjesëmarrës të provojë se ka një sistem të menaxhimit të cilësisë, pra të demonstrojë aftësinë e tij për të ofruar vazhdimisht produkte që plotësojnë kërkesat e konsumatorëve, pra të AK-së dhe kërkesat e zbatueshme ligjore dhe rregullative me qëllim të rrisë kënaqësinë e konsumatorit nëpërmjet zbatimit efektiv të sistemit, duke përfshirë proceset për përmirësimin e vazhdueshëm të sistemit dhe sigurimin e konformitetit ndaj klientit pra AK-së .

Për Autoritetin Kontraktor është e rëndësishme të provohet që operatori ekonomik zotëron kapacitetin teknik lidhur me përvojën e duhur, vërtetuar kjo edhe nëpërmjet dokumentave të tilla si: certifikata ISO e cila është një kërkesë e domosdoshme për të realizuar suksesin e kontratës.

ISO 22000 specifikon, kërkesat e përgjithshme për zhvillimin, zbatimin dhe përmirësimin e Sistemit të Menaxhimit të Sigurisë Ushqimore të një kompanie. ISO 22000 u drejtohet të gjitha kompanive që marrin pjesë në mënyrë të drejtpërdrejtë apo të tërthortë në zinxhirin e furnizimit ushqimor dhe mund të zbatohet nga të gjitha kompanitë, pavarësisht nga madhësia apo kompleksiteti i tyre.

Standarti ISO 22000 është standardi më i lartë i certifikimit të Sistemeve të Menaxhimit të Sigurisë Ushqimore. Parimet themelore të standardit janë:

- Kontroll efektiv në të gjithë zinxhirin e furnizimit ushqimor;



REPUBLIKA E SHQIPËRISË

- *Komunikim efektiv midis të gjitha palëve të interesuara të zinxhirit të furnizimit ushqimor (biznese, furnitorë, klientë, autoritete);*
- *Menaxhim sistematik;*
- *Programet e nevojshme;*
- *Parimet e analizës së rrezikut dhe pikat kritike të kontrollit (HACCP);*

Standarti bazohet gjithashtu në parimet që janë të përbashkëta me standardet e sistemit të menaxhimit. Parimet e menaxhimit janë:

- *Fokus ndaj klientit;*
- *Angazhimi i menaxhimit të lartë;*
- *Pjesëmarrje aktive e personelit;*
- *Qasje ndaj procesit;*
- *Përmirësim i vazhdueshëm;*
- *Vendimmarrje e bazuar në dokumentacion;*
- *Menaxhim i marrëdhënieve me palët e interesuara;*

2.3.3 Operatori ekonomik duhet të jetë i çertifikuar me:

- Çertifikatë të menaxhimit për sigurinë ushqimore sipas konformitetit me standartet evropiane (HACCP).

(Në rastet e bashkimit të operatorëve ekonomikë, cdo anëtar i grupit duhet të paraqesë certifikatën (HACCP).

Argumentimi: *Standarti evropian (HACCP) është një mënyrë për të menaxhuar rreziqet e sigorisë ushqimore. Procedurat e menaxhimit të sigorisë ushqimore duhet të bazohen në parimet HACCP (Analizës së rrezikut dhe pikave kritike të kontrollit). HACCP iu shërben operatorëve ekonomikë për identifikimin e çdo pike kontrolli kritike apo zonat ku një operator duhet të fokusohet për të siguruar që këto rreziqe të hiqen ose të reduktohen në nivele të sigurta duke vendosur se çfarë veprimi duhet të ndërmerret nëse diçka shkon keq. Një rrezik ushqimor është diçka që mund ta bëjë ushqimin të pasigurt ose të papërshtatshëm për t'u ngrënë. Është e rëndësishme që OE të identifikojnë kur rreziqet mund të jenë të pranishme, në mënyrë që ato të hiqen ose të reduktohen në nivele të sigurta.*

2.3.4 Operatori ekonomik ofertues duhet të vërtetojë se ka të punësuar në stafin e tij minimumi 8 (tetë) persona, pjesë e tyre profesionistë si më poshtë vijon:

- a. Të paktën 2 (dy) Kuzhinierë të cilët duhet të jenë të pajisur me dëshmi kualifikimi.
- b. Të paktën 1 (një) Merceolog ushqimi/Teknolog ushqimor, i cili duhet të ketë Diplomë Universitare në nivel Bachelor/Master shkencor në fusha studimi si: Kimi, Teknologji ushqimore, Inxhinieri Kimike.
- c. Të paktën 2 (dy) ndihmës /kuzhinier të cilët të jenë të pajisur me dëshmi kualifikimi.
- d. Të paktën 2 (dy) punonjës shërbimi/shofer të cilët të jenë të pajisur me lejen e drejtimit të nevojshëm për realizimin e transportit të ushqimit.



REPUBLIKA E SHQIPËRISË

- e. Të paktën 1 (një) punonjës të çertifikuar për trajtimin, përpunimin, shpërndarjen, paketimin e produkteve shtazore dhe jo shtazore.

Shënim: Punonjësi i kualifikuar/çertifikuar për trajtimin, përpunimin, shpërndarjen, paketimin e produkteve shtazore dhe jo shtazore mund të jetë edhe i njëjti person me mercolog ushqimi ose teknologun ushqimor/kuzhinier/ndihmës-kuzhinier.

Për të vërtetuar kualifikimet, dhe profilet e stafit të punonjësve si më sipër, operatori ekonomik duhet të paraqesë dokumentacionin provues, si më poshtë:

- Çertifikata/kualifikimet përkatëse për specialistët e kërkuar ose diplomë aty ku kërkohet si alternativë.
- Kontratë pune e vlefshme.
- Deklarimin nga Operatori Ekonomik të stafit të angazhuar (emër mbiemër), profilin e tyre (çertifkimin, diplomimin), citimin e dokumentacionit provues të kërkuar për secilin prej tyre.
- Listëpagesat sipas formularit e-Sig25 për 2 (dy) muajt e fundit të deklaruar sipas legjislacionit në fuqi ku të përfshihet stafi si më sipër.

Shënim: Kërkesa e përcaktuar në pikën 2.3.4 me të gjithë komponentët e saj do të konsiderohet e përmbushur gjatë fazës së ofertimit me plotësimin e formularit të vetëdeklarimit, referuar nenit 82 të LPP-së dhe nenit 26 të VKM-së nr.285 datë 19.05.2021. Operatori ekonomik i kualifikuar në vend të parë duhet të paraqesë përpara publikimit të njoftimit të fituesit dhe nisjes së afateve të ankimit dokumentacionin provues të lartëpërmendur.

Argumentimi: Kërkesa për personel është hartuar në përputhje me VKM nr. 285, datë 19.05.2021 “Për miratimin e rregullave të prokurimit publik” (i ndryshuar), Neni 41, pika 4:

“Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:

a) licencat profesionale për prodhimin dhe ose furnizimin e mallrave, objekt i kontratës, të lëshuara nga autoritetet kompetente shtetërore; dhe /ose

b) një listë të personelit kryesor, të nevojshëm për të zbatuar objektin e prokurimit dhe/ose komponentët e saj. Lista e personelit kryesor duhet të përfshijë CV-të e tyre dhe licencat profesionale, kur kanë të tilla sipas legjislacionit përkatës; dhe/ose

c) fuqinë punëtore të operatorit ekonomik të nevojshëm për ekzekutimin e objektit të prokurimit; dhe/ose

ç) mjetet dhe pajisjet teknike që ka në dispozicion apo që mund t'i vihen në dispozicion operatorit ekonomik për të përmbushur kontratën, të nevojshëm për ekzekutimin e objektit të prokurimit...”

Kërkesa e autoritetit kontraktor për 2(dy) Kuzhinierë është në përpjestim dhe e lidhur ngushtë me objektin e kontratës objekt prokurimi, duke qënë se kuzhinierët janë të domosdoshëm për gatimin e produkteve të cilat do tu shërbehen në vaktin e mëngjesit edhe të darkës shtresave në nevojë apo personave të cilët ndodhen në situatë rruge. Ushqimi në Qendrën komunitare “Strehëza” do të shkojë i gatuar paraprakisht dhe do të shërbehet për t’u konsumuar pranë kësaj qendre.

Kërkesa e një punonjësi garanton Autoritetin Kontraktor se Operatori Ekonomik ka në stafin e tij punonjës me njohuritë e duhura profesionale për gatimin e ushqimit pasi ky është një proces shumë



REPUBLIKA E SHQIPËRISË

sensitiv duke qenë se ushqimi është jetësor për personat e ndodhur në situatë rruge. Përsa i përket numrit dy kuzhinierë kjo është gjithashtu e domosdoshme pasi do të shërbehen dy vakte në ditë për 30 (tridhjetë) persona dhe i vetëm një kuzhinier nuk mund ta realizojë si shërbim.

Referuar sa më sipër, ky kriter garanton AK për realizimin me sukses dhe në kohë të kontratës në tërësi.

a) Kërkesa për të paktën 1 (një) merceolog ushqimi/teknolog ushqimor është i rëndësishëm pasi do të luajë një rol të rëndësishëm në përzgjedhjen, sasinë në gramaturë, ruajtjen, përpunimin, paketimin, shpërndarjen dhe përdorimin e ushqimit të sigurt për personat në situatë rruge konform standarteve në fuqi për sigurinë ushqimore.

b) Kërkesa për të paktën 2 (dy) ndihmës /kuzhinier është në përpjestim dhe e lidhur ngushtë me objektin e kontratës objekt prokurimi, duke qenë se edhe ndihmës kuzhinierët janë të domosdoshëm për gatimin e produkteve të cilat do të shërbehen në vaktin e mëngjesit edhe të darkës shtresave në nevojë apo personave të cilët ndodhen në situatë rruge, pasi ata do të asistojnë kuzhinierët gjatë procesit të gatimit konform menuve të përcaktuara, sipas përcaktimit të bërë në termat e referencës. Ushqimi në Qendrën komunitare “Strehëza” do të shkojë i gatuar paraprakisht dhe do të shërbehet për t’u konsumuar pranë kësaj qendre. Kërkesa e një punonjësi garanton Autoritetin Kontraktor se, Operatori Ekonomik ka në stafin e tij punonjës me njohuritë e duhura profesionale për gatimin e ushqimit pasi ky është një proces shumë sensitiv duke qenë se ushqimi është jetësor për personat e ndodhur në situatë rruge. Përsa i përket numrit të ndihmës kuzhinierëve është vendosur duke mbajtur në konsideratë se do të shërbehen dy vakte në ditë për 30 (tridhjetë) persona për 365 ditë të vitit duke përfshirë edhe ditët e shtuna edhe të diela dhe i vetëm një ndihmës kuzhinier nuk mund ta realizojë si shërbim.

c) Kërkesa për të paktën 2 (dy) punonjës shërbimi/shofer është në përpjestim dhe e lidhur ngushtë edhe kjo me objektin e kontratës objekt prokurimi, duke qenë se, ata do të kryejnë transportimin e ushqimit konform përcaktimeve të bëra në termat e referencës nga ambjenti që disponon OE për përgatitjen e ushqimit pranë Qendrës Komunitare “Strehëza”. Ky transport do të realizohet dy herë në ditë për të dy vaktet dhe për këtë arsye kërkohet edhe që ofertuesit e mundshëm ekonomikë të disponojnë dy shoferë pasi ushqimi do të shkojë i gatuar paraprakisht dhe do të shërbehet për t’u konsumuar pranë kësaj qendre nga personat e ndodhur në situatë rruge.

d) Kërkesa për të paktën 1 (një) punonjës të çertifikuar për trajtimin, përpunimin, shpërndarjen, paketimin e produkteve shtazore dhe jo shtazore është e nevojshme lind e nevojshme pasi është një punonjës i certifikuar i specializuar në trajtimin, përpunimin, shpërndarjen, paketimin e produkteve shtazore dhe jo shtazore në mënyrë që ky shërbim të realizohet me sukses për më tepër që është një shërbim sensitiv sepse lidhet direkt me ushqimin që do të konsumohet dhe me rëndësi jetike për personat që u ofrohet ky shërbim.

Kërkesa për qënësinë e tyre për një periudhë prej 2 (dy) muaj në listpagesa është kërkuar për të garantuar AK se është një staf operativ i qëndrueshëm pranë OE dhe që garanton dhe krijon besueshmëri tek AK se, ky shërbim do të realizohet me sukses.

2.3.5 Operatori ekonomik duhet të disponojë në pronësi ose me qera **1 (një) mjet transporti ATV**, i cili do të kryejë transportin e produkteve ushqimore e frigoriferike për të gjithë periudhën e realizimit të shërbimit, objekt prokurimi të pajisur me dokumentacion si më poshtë:



REPUBLIKA E SHQIPËRISË

(a) Në rastet kur mjeti është në pronësi: Certifikatë pronësie; dokument që vërteton regjistrimin e mjetit; Leje Qarkullimi; siguracionin e vlefshëm të mjetit (policën e sigurimit); çertifikatën e vlefshme të kontrollit teknik (SGS).

Në rastet kur mjeti është me qera: Kontratë Qeraje noteriale për gjithë periudhën e realizimit të kontratës objekt i këtij prokurimi; Certifikatë pronësie; dokument që vërteton regjistrimin e mjetit; Leje Qarkullimi; siguracionin e vlefshëm të mjetit (policën e sigurimit); çertifikatën e vlefshme të kontrollit teknik (SGS).

(b) Leje higjeno-sanitare per automjetin, lëshuar nga Drejtoria e Shëndetit Publik e rrethit ku ushtron aktivitetin përkatës, e vlefshme për periudhën e realizimit të objektit të kontratës.

Argumentimi: Ky kriter është vendosur në përputhje me pikën 4, të nenit 77 të Ligjit Nr. 162, datë 23.12.2020 “Për prokurimin publik” i ndryshuar dhe nenit 41, të pika 4/ç të VKM Nr. 285, datë 19.05.2021 “Për miratimin e rregullave të prokurimit publik” i ndryshuar. Nëpërmjet këtij kriteri kërkohet që Operatorët ekonomik të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, të nevojshme për ekzekutimin e objektit të prokurimit.

Mjeti i mësipërm është i domosdoshëm, pasi duke marrë në konsideratë vlerën e kontratës që prokurohet, natyrën si dhe kohëzgjatjen e saj i shërben Autoritetit Kontraktor për t’u njohur me kapacitetet teknike të ofertuesve, me qëllim përmbushjen e kontratës me sukses. Disponimi i Lejes higjeno-sanitare është e rëndësishme për të garantuar Autoritetin Kontraktor se do të respektohen standartet për sigurinë dhe cilësinë e ushqimit i cili do të transportohet drejt Qendrës Komunitare “Strehëza” për njerëzit në nevojë..

2.3.6 Operatori ekonomik ofertues duhet të disponojë të paktën një pajisje isobox termike antibakteriale, për të mundësuar transportin e produkteve ushqimore e frigoriferike brenda ambjenteve të institucionit për të gjithë periudhën e realizimit të shërbimit objekt prokurimi në pronësi (vërtetuar me aktin e pronësisë kopje e noterizuar) ose me qera (vërtetuar me kontratën përkatëse të qerasë të noterizuar të vlefshme për të gjithë periudhën e zbatimit të kontratës).

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” (i ndryshuar) dhe nenit 41, të pika 4/ç, të VKM nr.285, datë 19.05.2021 “Për miratimin e Rregullave të Prokurimit Publik” (i ndryshuar), ku citohet si vijon: “Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon: ç) mjetet dhe pajisjet teknike që ka në dispozicion apo që mund t’i vihen në dispozicion operatorit ekonomik për të përmbushur kontratën, të nevojshëm për ekzekutimin e objektit të prokurimit”. Nëpërmjet këtij kriteri kërkohet që, Operatorët ekonomik të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, të nevojshme për ekzekutimin e objektit të prokurimit.

Mjeti i mësipërm është i domosdoshëm garanton Autoritetin Kontraktor se do të respektohen standartet për sigurinë dhe cilësinë e ushqimit, i cili do të transportohet drejt Qendrës Komunitare “Strehëza” për njerëzit në nevojë, i cili duhet të transportohet në kushtet termike optimale dhe kushtet



REPUBLIKA E SHQIPËRISË

e duhura higjenike në mënyrë që të evitohen bakteriet e mundshme që mund të kontaminojnë ushqimin dhe si pasojë kjo të derivojë në rrezikshëmri për jetën e konsumatorit në rastin konkret të personave në situatë rruge fokus i përditshëm i kësaj qëndre.

Shënim: Kërkesat sipas përcaktimit të bërë në pikën 2.3.5 dhe 2.3.6 do të konsiderohen të përmbushura gjatë fazës së ofertimit me plotësimin e formularit të vetëdeklarimit, referuar nenit 82 të LPP-së dhe nenit 26 të VKM-së nr.285 datë 19.05.2021. Operatori ekonomik i kualifikuar në vend të parë duhet të paraqesë përpara publikimit të njoftimit të fituesit dhe nisjes së afateve të ankimit dokumentacionin provues të lartpërmendur.

2.3.7 Operatori ekonomik duhet të disponojë **1 (një) ambjent** ku ushtron veprimtarinë e shërbimit dhe gatimit të ushqimit. Për këtë, operatori ekonomik ofertues, duhet të paraqesë dokumentacion që vërteton pronësinë/ qiramarrjen si më poshtë:

Dokumentacion që vërteton pronësinë:

- Çertifikata e pronësisë e lëshuar nga institucioni i autorizuar me ligj; ose
- kontrata e shitblerjes; ose
- kontrata e dhurimit; ose
- çdo dokument tjetër me anë të të cilit fitohet e drejta e pronësisë sipas Kodit Civil të Republikës së Shqipërisë.

Dokumentacion që vërteton marrjen me qira:

- Kontratë qiraje (e vlefshme)

si edhe Lejen higjeno - sanitare për këtë ambjent.

Argumentimi: Referuar termave të referencës pjesë përbërëse e dokumentave standarte të tenderit, si edhe të administruara në dosjen e procedurës është përcaktuar se ofertuesi do të përgatisë ushqimin sipas vakteve edhe menusë së përcaktuar paraprakisht nga AK dhe për realizimin e këtij procesi ofertuesit e mundshëm ekonomik duhet të kenë një ambjent për realizimin e këtij shërbimi ç'ka do të sillte detyrimisht realizimin me sukses të kontratës edhe gjithashtu disponimi i lejes higjeno sanitare garanton sërish AK, se ky proces do të kryhet në parametrat e duhura higjenike pa ekzistuar rreziku i kontaminimit të ushqimit dhe si pasojë kjo të derivojë në rrezikshëmri për jetën e konsumatorit në rastin konkret të personave në situatë rruge fokus i përditshëm i kësaj qëndre.

2.3.8 Operatori ekonomik duhet të operojë duke plotësuar standardet në fuqi për sigurinë ushqimore. Për këtë, ai duhet të paraqesë vetdeklarim, ku të deklarojë se nga kontrolli i fundit i AKU-së ka rezultuar se subjekti ushtron aktivitet konform kërkesave ligjore.

Ndërsa, operatori ekonomik i shpallur fitues përpara lidhjes së kontrates ka detyrimin të paraqesë dokumentacion provues, ku të provohet se nga kontrolli i fundit i AKU ka rezultuar se, subjekti ushtron aktivitet konform kërkesave ligjore dhe konform përcaktimeve të bëra në rekomandimin e përbashkët të APP-së dhe AKU-së Nr 10181 prot dt 19.11.2018. Gjithashtu, çdo operator ekonomik ofertues duhet ta administrojë këtë dokument, për verifikim, në rast se do të lindi nevoja.



REPUBLIKA E SHQIPËRISË

Argumentimi: Ky kriter është vendosur konform përcaktimit të bërë në rekomandimin e përbashkët të APP-së dhe AKU-së Nr 10181 prot dt 19.11.2018 i cili i shërben Autoritetit për t'i ofruar besueshmërinë dhe sigurinë se aktiviteti i ofertuesit të mundshëm është konform kërkesave ligjore dhe është kryer konform standarteve në fuqi për sigurinë ushqimore.

Shënim: OE duhet të mbajnë në konsideratë përcaktimet ligjore, referuar Nenit 26, pika 1, të VKM Nr. 285, datë 19.05.2021 "Për miratimin e rregullave të prokurimit publik" i ndryshuar, ku parashikohet se, "Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla", si dhe përcaktimet e pikës 6, të këtij neni, në lidhje me momentin e paraqitjes së dokumentacionit dëshmuës për kërkesat që përfshihen në formularin përmbledhës të vetëdeklarimit, ku parashikohet që, "Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat "a", "b", "d", "dh", "e", "h", "i", "j" të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin."

- Mosparaqitja e dokumentacionit provues, do të jetë kusht s'kualifikimi.
- Autoriteti Kontraktor do të bëjë verifikimin e dokumentacionit në përputhje me vetedeklarimin e bërë gjatë fazës së ofertimit. Konstatimi i mosperputhjeve midis Formularit Përmbledhës të Vetëdeklarimit dhe dokumentacionit të dorëzuar përbën kusht s'kualifikimi.

Operatori ekonomik fitues, para nënshkrimit kontratës duhet të dorëzojë:

Kopje të Certifikatës Elektronike të Fiskalizimit, për tatimpaguesit që përdorin Platformën Qendrore të Faturave.

Kopje të Certifikatës Elektronike të Fiskalizimit dhe kopje të vlefshme të kontratës së lidhur me Kompaninë e Çertifikuar për zgjidhjen softuerike në përdorim, për tatimpaguesit që lëshojnë fatura përmes zgjidhjes softëerike.

Të gjithë dokumentat duhet të jenë origjinalë ose kopje të noterizuara të tyre. Rastet e mosdorëzimit të një dokumenti, ose të dokumentave të rreme e të pasakta, konsiderohen si kushte për skualifikim.

II. Argumentimi i specifikimeve teknike dhe termave të referencës

Termet e referencës janë hartuar nga struktura të specializuara/ Grup pune për objektin që prokurohet, i ngritur me Urdhër të Titullarit për hartimin e termave të referencës. Termet e referencës, shërbimin objekt prokurimi, përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, dhe që i vlerëson shërbimet si të pranueshme për funksionet e kërkuara si dhe janë në përputhje me parashikimet e nenit 4, pika 38/b dhe nenit 36, të LPP, si dhe nenit 41, pika 2, të VKM nr. 285, datë 19.05.2021, "Për miratimin e rregullave të prokurimit publik", **duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët "ose ekuivalenti i tij/saj".**



REPUBLIKA E SHQIPËRISË

Termat e referencës të hartuara për procedurën e prokurimit me objekt: “Furnizime dhe shërbime me ushqim për menca” për nevojat e Qendrës Komunitare “Strehëza”.

Detyra kryesore funksionale të Qendrës Komunitare Strehëza konform VKB Nr.112 dt 27.09.2018 për “Krijimin e Qendrës Sociale “Strehëza” janë si më poshtë vijon:

- Akomodim i përkohshëm (fjetje) për personat në situatë rruge dhe në raste emergjence;
- Sigurim i paketës së shërbimeve bazë: higjienë, **mensë sociale**, kujdes shëndetësor e psiko-social;
- Shërbime këshilluese, ndërmjetësuese lidhur me statusin civil, strehimin social, punësimin dhe aspekte ligjore;
- Parandalim i braktisjes, institucionalizimit dhe trafikimit të qenieve njerëzore;
- Integrimi i individëve me probleme sociale dhe të zhvillimit;
- Ofrimi i programeve të fuqizimit të individit dhe familjes;
- Sigurim i një mënyre jetese të shëndetshme e të pavarur për personat me aftësi të kufizuara;

Termat e referencës hartohen si të tilla edhe referuar nevojave të Autoritetit Kontraktor, i cili merret ndër të tjera edhe me sigurimin e ushqimit për personat në situatë rruge dhe në raste emergjence dhe paraqiten si më poshtë vijon:

Përshkrimi i të dhënave teknike të shërbimeve është bërë në mënyrë të tillë për të krijuar kushte për konkurrencë të paanshëm, është bërë nga specialisti i fushës, pjesë e grupit të punës dhe detajohen si më poshtë vijon:

Përshkrimi i kërkesave të zbatimit të shërbimeve në lidhje me furnizimin me ushqim:

1. Vlera e përllogaritur për person do të jetë 430 (treqind) leke pa tvsh për shpenzimet ditore të ushqimeve për personat në situatë rruge apo të ndodhur në rrethana emergjente. Kjo kuotë është miratuar me anë të VKB-së Nr. 31 datë 28.03.2024 për “Miratimin e nivelit të kuotave financiare për shpenzime ditore të ushqimeve për personat që përfitojnë shërbime në qendrat komunitare dhe rezidenciale të përkujdesit shoqëror, në varësi të Bashkisë Tiranë”, pika 2.
2. Fokusi kryesor i këtij institucioni është dhënia e vaktit të mëngjesit dhe të darkës për 365 ditë për përfituesit në gjendje rruge.
3. Numri maksimal i racioneve të porositura do të jetë jo më shumë se 30 racione
4. Qendra Sociale do të njoftojë në orën 12: 00 për numrin e saktë të racioneve që do të porositen.
5. Qendra Sociale do të furnizohet me Ushqim të Gatshëm nga e Hëna në të Dielë në orën 07.00 mëngjesi, dhe ora 20.00 darka.
6. Qendra do të pajiset çdo ditë me një faturë provizore ku do të cilësohen numri i menuve të mara në dorëzim, cmimi, si dhe vlera në lekë e ushqimit të sjell.

Kërkesa të Përgjithshme

Operatori ekonomik është i detyruar të zbatojë procedurat e menaxhimit të ushqimit të kërkuara në urdhrin e Titullarit të Autoritet Kontraktor.

- Operatori ekonomik duhet të ketë inventarin e nevojshëm për ruajtjen, përpunimin, gatimin, dhe shpërndarjen e ushqimit, për një grup personash prej 30 veta për vaktin e mëngjesit dhe darkës, sipas orareve të përcaktuara.



- Operatori ekonomik të sigurojë e disponojë në guzhinë, mjete matëse të sasisë të certifikuar nga inspektorati i kalibrimit të njësisë matëse.
- Çdo ditë përfaqësues të operatorit ekonomik do të rakordojnë me personin e ngarkuar nga titullari i Qendrës Sociale për hartimin e forcës ditore të ushqimit dhe për konsumin e tij, në Qendrën Sociale.
- Operatori ekonomik, nuk mund të transferojë, kalojë pa pëlqimin e autoritetit kontraktor, detyrimet e tij, kontraktuale një pale të tretë.
- Operatori ekonomik do të paraqesë në fund të çdo muaji faturën dhe dokumentacionin justifikues për sasinë e mallrave të furnizuar dhe shërbimin e ofruar.

Operatori ekonomik duhet të ketë inventarin e nevojshëm për ruajtjen, përpunimin, gatimin, dhe shpërndarjen e ushqimit, për një grup personash prej 30 veta për vaktin e mëngjesit edhe të darkës, sipas orareve të përcaktuara.

1. Banjomarina
2. Tabaka - 30 copë
3. Lugë - 30 copë
4. Pirunj - 30 copë
5. Tas për supën - 30 copë
6. Pjata gjelle - 30 copë
7. Pjata të vogla - 30 copë
8. Gota uji - 30 copë
9. Mushama
10. Letra
11. Ndarëset e ushqimit (garuzhde etj)

Kërkesa teknike për përgatitjen e ushqimit dhe sigurinë ushqimore.

Siguria ushqimore

Të gjithë artikujt ushqimorë që do të përdoren për gatim do të jenë të cilësisë së parë, të freskëta, sipas specifikimeve teknike për lëndët e para të përcaktuara në këtë dokument.

Ushqimi të jetë i gatuar në çast, racioni ditor duhet të përmbajë sasinë e duhura të artikujve sipas listës së menisë javore dhe ditore, ushqimi të shpërndahet i ngrohtë sipas orareve të përcaktuara nga Administrata e Qendrës Sociale Strehëza.

Në asnjë rast nuk do të lejohet zëvendësimi i artikujve ushqimorë, që janë përcaktuar në normën bazë të ushqimit, me përjashtim të rasteve të fatkeqësive natyrore apo të fuqisë madhore.

MENAXHIMI I SHËRBIMIT NGA AUTORITETI KONTRAKTOR



REPUBLIKA E SHQIPËRISË

Të verifikojë për vaktin e mëngjesit dhe darkës, numrin e personave që trajtohen me ushqim (forca ditore) të detajuar:

- Numri i personave që trajtohen me vaktin e mëngjesit edhe të darkës.
- Autoriteti Kontraktor të kontrollojë e t'i kërkojë operatorit ekonomik respektimin e orarit të gatimit dhe shpërndarjes së ushqimit, zbatimin e normave të racioneve të ushqimit, si dhe pastërtinë në ambientet e gatimit të ushqimit dhe të shpërndarjes së ushqimit.
- Autoriteti Kontraktor, të mos lejojë operatorin ekonomik që të përdorë pajisje për gatim jashtë specifikimeve të kërkuara në këtë shkresë dhe dokumentet standarde të tenderit.
- Autoriteti Kontraktor, nëpërmjet komisionit të ngritur me urdhër të titullarit, do të regjistrojë veprimet ekonomike për sasinë e racioneve ditore të prodhuara në ditë të detajuara në numër rëndore me një vakt, veprimet për likuidimin e detyrimeve të lindura ndaj operatorit ekonomik do të rregullohen me urdhër të veçantë të titullarit të Autoritetit Kontraktor.
- Operatori ekonomik/kontraktori do të bëjë gatimin e produkteve ushqimore sipas menusë javore të ushqimit të miratuar, konform normës bazë të ushqimit.
- Menuja e ushqimit do të sigurojë sasinë, cilësinë sipas normës bazë të ushqimit.
- Të disponojë mjete transporti të përshtatshme për transport të produkteve ushqimore të freskëta si dhe ato të gatuar, të cilat të plotësojnë të gjitha kushtet higjeno-sanitare sipas standardeve në fuqi.
- Operatori ekonomik duhet të zbatojë kërkesat e Ligjit Nr. 9863 date 28.01.2008 "*Për Ushqimin*" i ndryshuar, për furnizimin/shpërndarjen me produktet ushqimore në ambientet e përcaktuara nga autoriteti kontraktor, si dhe për ruajtjen e higjenes dhe mjedisit, kushteve tekniko-teknologjike dhe personelit.
- Produktet e përdorura për përgatitjen e ushqimeve duhet të jenë në përputhje dhe në respektim të standardeve të kërkuara në aktet ligjore e nënligjore në fuqi, konform manualit të vetëkontrollit HACCP.
- Transporti i ushqimit të përgatitur nga kuzhina e shërbimit të ushqimit social për grupet e vecanta deri te konsumatori, të realizohet me mjete, pajisje dhe enë të posacme (termuse) të llojeve dhe madhësive të ndryshme në funksion të sasisë që ofrohet, si dhe për të ruajtur nivelin kulinar të ushqimit (e rëndësishme është ruajtja e temperaturës sipas llojit të produktit).
- Operatori ekonomik, të respektojë rregullat e higjenes për larjen, pastrimin, dhe përpunimin e zarzavateve, frutave, sipas kërkesave të ligjeve në fuqi në fushën e higjenes dhe ushqimit.

Operatori për qëllime higjenes dhe pastrimi të përdorë detergjentë dhe solucione kimike të certifikuar nga institucionet e njohura me ligj dhe të pa dëmshme për shëndetin e njerëzve të përcaktuara sipas akteve përkatëse.

Operatori ekonomik duhet të sigurojë një higjenë të përditshme në mbajtjen e pajisjeve të kuzhinës, ambienteve të gatimit, atyre të ndarjes së ushqimit dhe mensave.

Sa më sipër, hartimi i kërkesave për kualifikim, që lidhen me kapacitetin teknik, specifikimet teknike/termat e referencës, dhe çdo informacion tjetër specifik i nevojshëm, janë hartuar nga specialisti/specialistët e fushës, anëtar të njësisë së prokurimit. Për të krijuar dosjen e tenderit në sistemin e



REPUBLIKA E SHQIPËRISË

prokurimit elektronik të APP dhe për të ngarkuar të gjithë dokumentacionin e procedurës së prokurimit me objekt “**Furnizime dhe shërbime me ushqim për menca**” për nevoja të Qendrës Komunitare “**Strehëza**”, Njësia e Prokurimit autorizoi personin përgjegjës për prokurim.

Bashkëlidhur këtij procesverbali:

Dokumentat e tenderit

Termet e referncës

NJËSIA E PROKURIMIT